

輿地志上



南皮縣志卷一

輿地志上

晷度 星野附

按畿輔通志南皮縣境視北極出地高三十八度七分五十秒
冬至正午晷影一丈八尺四寸八分弱 夏至正午晷影二
尺六寸二分弱 冬夏至晝夜長五十八刻九分強 冬夏至
晝夜短三十七刻六分弱 縣境距經度較北平故都偏東十
六分 縣境交節氣較北平故都遲一分四秒

附星野

星野之說似不可憑姑就舊志所載分錄於後以存其說史

記天官書燕齊之疆占於虛危

正義曰辰星虛危皆北方之星故燕齊占候按南皮在

南皮縣志卷一

輿地志上 晷度

一

燕齊之交

漢書地理志齊地虛危之分野也東有淄川東萊琅邪高密

膠東南有秦山城陽北有千乘清河以南渤海之高樂

今南皮之

董村鎮

高城重合陽信西有濟南平原皆齊分也

按渤海治東漢延光元年

移南皮省高樂縣入南皮

晉天文志渤海入箕一度

明劉基日躔黃

道分野云南皮鹽山慶雲入箕二度

沿革

唐虞夏商為兗州之域

周初屬兗州封國無考東遷以後州境併入於齊惠王十三年齊侯畀燕地遂為燕齊交壤太平寰宇記齊桓公北伐山戎至此繕修皮革因築焉闕駟曰章武有北皮亭故此曰南皮秦始皇二十六年置南皮縣

漢高帝元年項羽聞成安君陳餘在南皮因以附近三縣封之

清一統志

高帝五年置渤海郡領縣二十六浮陽 陽信 東光 阜城 千童 重合 南皮 定

章武 東平 舒 中邑 高成 高樂 參戶 成平 柳 臨樂 重平 安次 東州 修市 建成 景成 文安

章鄉 蒲領南皮隸之漢書地理志

南皮縣志

卷一

輿地志上 沿革

二

文帝後七年封竇彭祖為伏邑屬渤海郡清一統志莽曰迎河亭屬

幽州漢書地理志

東漢延光元年移渤海郡治於南皮縣清一統志

三國魏因之畿輔通志

晉因之領縣十南皮 東光 浮陽 饒安 阜城 重合 廣川 高城 東安 陵

北朝魏太武初改渤海郡曰滄水太和二十一年復故

東魏移郡治東光南皮隸之

北齊後周因之畿輔通志

隋以滄州領縣十陽信 樂陵 商河 厭次 蒲臺 饒安 無棣 鹽山 南皮 清池南皮隸

之尋為渤海郡文獻通考

唐武德四年屬觀州貞觀元年以滄州領縣十二長蘆 樂陵 鹽山 清池

南皮 東光 景城 平高 無棣 南皮隸之屬河北道後為橫海軍

節度又改義昌軍長慶二年改屬景州太和四年還屬滄州景

福元年又屬景州

清一統志

後周顯德二年還屬滄州

舊志

宋以滄州領縣七治清池

清池 饒安

樂陵 鹽山

南皮 臨津

無棣

南皮隸

之文獻通考熙寧六年省臨津入南皮建炎三年沒於金

舊志

金屬滄州景城郡隸河北東路

滄州志

元屬河間路滄州

明屬河間府滄州

清初因之順治五年設直隸省改隸直隸省河間府雍正七年

府志為雍正三年

升河間府滄州為直隸州領縣四

南皮 慶雲

鹽山 東光九年

南皮縣志

卷一

輿地志上 沿革

三

升天津州為天津府改隸直隸省天津府領縣七

天津 青縣

靜海 滄州

南皮 慶雲 鹽山

中華民國元年因之二年廢府州制改屬津海道仍直隸於直

隸省十七年廢道制直隸省改為河北省遂直隸於河北省省

政府設於天津

疆域

南皮縣在天津縣西南二百九十五里 東西廣一百十里南
北袤八十五里 東至滄縣界三十里 西至交河縣界二十
五里 南至甯津縣界五十五里 北至交河縣界三十里
東南至山東省樂陵縣界七十里 至鹽山縣界八十五里
西南至東光縣界十五里 東北至滄縣界三十五里 西北
至交河縣界三十里 東至鹽山縣城九十里 東南至山東
省樂陵縣城一百四十里 南至甯津縣城九十里 西南至
東光縣城四十里 西至交河縣城七十五里 西北至河間
縣城一百四十里 東北至滄縣城七十里

全境面積一千三百八十一方里有奇

按南皮疆域袤斜崎零
不整精確勘丈極感困

南皮縣志

卷一

輿地志上 疆域

四

難今就田賦册全境地畝實數七千四百五十九頃二十六畝
九分八厘統計折得面積如上

山川 隄堰附

南皮一帶平原所謂山徒有其名其川則惟南運兩津宣惠數河而已至若古河多就湮沒加以河決防潦隄堰縱橫舊河形跡更難稽考茲惟據古名存之就現時形勢書之以俟後之治河者有所考證焉

山

大台山

舊志在城北隱隱隆隆起伏斷續爲一方勝概形家云此太行分脈自西南來

小台山

舊志在城東北亦自大台分脈

南皮縣志

卷一

輿地志上 山川

五

五龍岡

舊志在城南五十里相傳爲神女產龍處有臥兒臺拖裙嶺過街樓下有龍灣

黑龍岡

舊志在城東南四十里曾現黑龍故名

白馬嶺

舊志在城東里許雲霧中恒見白馬出沒

竇家嶺

舊志在城北五里相傳爲竇禹鈞別業

金沙嶺

在城東南五十里挑此嶺以通宣惠河

川

古黃河

舊志在城東南五十里外岸高丈餘中闊里許境內廻環三十餘里

鬲津河

舊志卽古黃河合流在今治東南自甯津界耿家圈入南皮境逕砥橋蕭橋東入鹽山樂陵之舊縣界出境歷慶雲鹽山海豐諸境入海尙書疏李巡曰河水狹小可鬲以爲津也故名鬲津漢書地理志平原郡鬲平當以爲鬲津按漢鬲縣故城在今山東陵縣西元和志鬲津枯河在縣南七十里則鬲津實導源於此又東逕吳橋縣南河間府志鬲津在吳橋縣

南皮縣志

卷一

輿地志上 山川

六

南又東逕甯津縣南縣志鬲津在縣南又東逕南皮縣南與山東樂陵分水寰宇記樂陵縣鬲津枯河在縣西三里南皮縣志河在縣東南四十五里由樂陵界又東逕慶雲縣南慶雲舊無棣溝也金史地理志無棣有鬲津河又東北逕鹽山東南縣志河自慶雲北入鹽山界崔家口又東逕海豐入海按畿輔通志古黃河者今四女寺減河所逕之道耳由南運東岸歧出逕山東恩縣德縣入吳橋境東北行會鉤盤河入甯津縣境東北逕王家廟尙家橋耿家圈東入南皮境東北逕馮莊砥橋又東逕甯津境入樂陵境逕南皮境東入鹽山樂陵縣境又東入慶雲縣境胡蘇河自西南來注之又東逕慶雲城南東北又北折入海豐縣界又東北復入鹽山縣界逕崔家

口仍入海豐縣界合宣惠河無棣溝諸水又東至海豐東北老黃河口入海而舊志所載鬲津河逕過地方與此相同是古黃河與鬲津當爲一河也惜四女寺閘久淤每年所有之水僅係瀝水故常乾涸無水利之可言耳

無棣河

舊志畿輔通志在滄州南皮鹽山慶雲之南亦名無棣溝清河自東光又東北無棣溝出焉東逕南皮縣故城南又東逕樂亭北又東逕新鄉城北

即高樂故城

又東分爲二瀆幹瀆東逕

樂陵郡北又東屈而北又東轉逕苑鄉縣故城南又東南逕高城縣故城南與枝瀆合枝瀆上承無棣溝南逕樂陵郡西又東南逕千童縣故城

即故饒安

東枝瀆又南東屈東北注無棣

南皮縣志

卷一

輿地志上 山川

七

溝幹瀆無棣溝又東北逕一故城又東北逕鹽山東北入海

水經注

按唐書地理志無棣河開元十六年開大清一統志無棣河疑卽古黃河

衛河卽南運河

舊志誤爲南皮河金元名御河在縣西二十里自東光縣入境與交河縣接界又東北流入滄縣界在境廻環五十餘里沿河設鋪五淺夫四十名

按衛河

以源出於衛故名

自山東臨清合汶水後始名南運河逕河北

省清河山東夏津武城復入河北故城之鄭家口東北流至四女寺逕德州桑園安陵連鎮入東光至十二里口入南皮

界與交河分水東岸爲南皮西岸爲交河逕尤家淺泊頭鎮齊家堰大小薛家窩至馮家口北好漢坎止南交兩界盡接入滄縣界在縣境廻環實七十里第自山東臨清之閘漸就淤塞今運河之水僅漳衛合流之水漳水勢猛衛水勢緩故伏汎一至常患潰決且多年失修河身漸狹河牀漸高春則易涸夏則易溢邑無水利而多水患原因在此

昔日江淮米粟皆藉此河以輸北方而南北文化之溝通亦多賴此自海運興而此河之功用失自津浦平漢路成而此河之功用尤失然沿河土壤率多肥沃農民頗得灌溉之利且運輸便利尤易發達商業就泊頭鎮一處論之兩岸商賈雲集爲東西數百里所未有皆此河之功也後之人宜竭力

南皮縣志 卷一 輿地志上 山川 八
提倡疏濬勿任其日就淤淺常受潰決之患有厚望焉

宣惠河

舊志卽覆繡河合流自東光柳樹張莊入南皮境逕劉和睦莊東流數里仍入東光界又東流入縣境生劉莊東北流入滄州界清乾隆五年孫文定公嘉淦奏開宣惠河爲運河東岸洩水泥吳橋境由滄州石碑河達海後因石碑河水多宣惠之水懼難並納總制方敏恪公觀承分爲兩河宣惠由南皮之金山岡一名金沙嶺土埂順下會鹽山之燕子窪逕劉公渠下流至黃家莊入高灣界東至劉王莊前入海豐之高津河歸海後因歲久河多淤塞光緒十年十一年金觀察福曾吳太守士湘連歲督工疏濬開鑿金沙嶺上接德州下至海豐

城子海口綿亘數百里又開滄州石碑河水始暢流天津府志宣惠河在縣東南自東光入境逕劉和睦其分支東北流俗名馬頰河下流入滄州爲石碑河其正支東流仍入東光界東流復入縣境泊家東北逕龍堂入滄州境兩岸有隄

按宣惠河在縣東南十餘里起於吳橋縣西境王指揮莊與德州接壤東北流逕張家窪祁家窪李上學莊徐旺又東北入東光縣界逕石家橋又北逕郭家橋又東北逕柳樹張家又東北入南皮縣界劉和睦莊分爲南北二支南支爲宣惠正河東流數里仍入東光縣界又東數里復入南皮縣界泊家莊又東北逕龍堂又東入滄州界逕張家宅宋村老隄口又東北穿燕子窪又東入鹽山縣界合於劉公渠又東至城南

南皮縣志

卷一

輿地志上 山川

九

歷逕大王鋪高灣鎮又東有明白窪水自北來注又東逕清水溝村則無棣溝水自南來入之又東入海豐縣界會於老黃河以歸海若其北支則自劉和睦莊東北流俗亦名馬頰河逕烏馬營又委曲東北入滄州界逕狼兒口蔡家窪楊家橋王官屯又東北逕呂家橋瓦沽灘至王徐家莊又東北與北減水河會合流入母豬港又東北穿大溝又東北入於長港與南減水河會又東北逕祁口入於海

採總輔通志

全河長二百三十餘里在縣境者不過三十餘里此河上無來源惟上受七十二連窪瀝水既無交通之便更乏灌溉之利又常因運河東岸決口注入該河往往漫衍潰決田廬淹沒故東南滄三縣均被其患

直隸總督李鴻章撰重修宣惠河記

宣惠河分兩支北支由石碑河出歧口南支由金沙嶺至海豐合鬲津故道出古大沽口皆入於海河無來源受德州吳橋東光南皮滄州鹽山慶雲滌水上游南運河決輒漫溢爲患乾隆初孫文定公開北支地勢窪易受水而難洩滄州數被浸方敏恪公始議闢南支歲久失修近年黃河奪運決則水大至灌數州縣而東光尤甚光緒九年滄州東光之民因水掘隄爭鬪相殺成大獄於是議復宣惠河始議行北支旣議南北分行十年乃邀天津道季君邦楨及候補道吳君廷斌知府蕭君世本會勘北支旣病窪且已成平陸無河形南北兼修則費鉅乃議定開南支南支較長百餘里而金沙嶺最稱高峻難施力吳君力

以爲任因檄與天津道共治之其海豐境內則移山東巡撫委員會修季君遷運使署天津道胡君燭棻萬君培因繼之而吳君駐工督理海豐固謂不患水知縣徐君旣承臺檄督民修濬下游遂通十一年三月興工四閱月而工竣起自東光于家窪至鹽山入山東界計工長二萬六千餘丈建減水壩一橋梁十有七用銀六萬二千四百餘兩視原議節省而原議不辦之工仍增挑四千七百餘丈全身闊自七丈至十二丈深自四尺至十六尺大半視原議爲寬深地中得古墓及舊橋址深入土中者皆掘出高於今河底數尺自昔開鑿所未及也河旣成伏秋大雨運河決老虎倉水大於九年衆流赴壑民情靜謐歲修無失此後可無患矣始議者沮開南支以爲河勢高仰金沙中梗

既測以八綫表則海豐城子鎮河底低於于家窪河底三丈四尺而河入海豐滙鬲津形勢遼闊天然歸墟則以爲下游多沙旋疏旋淤者不足信也自金沙嶺至琵琶橋羅疇皆一律深通湍行無滯則以爲無從施功者又不足信也方事之殷滄州東光牧令各以民情疑懼至騰牘相抵水之爲患害舊矣以黃河之水其遷徙關於天運而漢元光中宋自天聖以後爭河流者如聚訟武安侯食邑在河北利河南決而邑多收河支南北非人力所能爲也當時勢家且欲回屈以便其私況於百里之間蚩蚩之氓乎渠成水至不知有災則信乎不可與慮始可與樂成也國朝督直隸者敏恪最久百餘年間余以鄉人忝次其後既喜見舊蹟之復且嘉諸君子集議之善而吳君力任其難始終其事增而用省其勞不可沒也爰勒之石以示來者光緒十二年

邱澐

舊志在縣東北四十里俗呼蔡家窪凡河口水出皆聚於此東洩邱澐東原係洩水入海孔道下游淤塞元延祐三年御河水溢滄州塞口浸壞廬舍萬餘間熟田萬餘頃有司具疏上聞遣官相視原口東西一十五步南北二十尺隄南高一丈四尺北高二丈餘復按視下流故跡寬闊實入海徑道遂開爲定規立石垂後有河間路推官劉沂濬川碑記

見金石

按前所稱河口卽狼兒口

雍正志作
郎兒口

畿輔通志狼兒口引河在

邱澐東元延祐四年開郎兒口決積水由滄州城北川達於

海

元史河渠志

有大隄亘五十里東屬滄州境西屬南皮境

河間府志

查天津府志云石碑河自蔡家窪河頭起則所謂狼兒口者

卽今之石碑河頭在今狼兒口鎮東北

天津府志云石碑河自邢家莊起

九河故道

舊志徒駭在西北太史在古皮城南馬頰在城南覆舖在東

南胡蘇在西城下簡潔在城西鈎盤在西北鬲津在東南其

一則河之經流也

太史河

今埋

舊志尙書疏李巡曰禹大使徒衆通其水道故曰太史明一

統志太史河在南皮縣治北

馬頰河

亦名王莽河

南皮縣志

卷一

輿地志上 山川

十二

舊志在縣城南接宣惠河可疏濬以洩東南瀝水

覆舖河

今埋

舊志河間府志在南皮縣東南尙書疏李巡曰水中多渚往

往而虛形如覆釜故曰覆舖

簡潔河

今埋

舊志金史地理志南皮縣有潔河尙書疏郭璞曰水多約潔

故名潔河按簡與潔本屬二河爾雅明列爲九漢晉唐宋諸

儒紀載相仍蔡傳獨宗歐陽恣之說而合之爲一未免穿鑿

尙書疏李巡曰簡大也其水深而大也郭璞曰水道簡易是

簡與潔明係二河之證

銀鈎河卽鈎盤河

今埋

舊志在縣西北疏濬可洩縣西瀝水

按清一統志九河之說諸家不一清康熙幾暇格物篇曰九河故道漢唐宋諸家之說不一或謂在濟南境內或謂遠界永平而酈道元謂九河苞淪於海以朕揆之其九河入海之處在今天津之直沽而九河故道不出滄景二三百里間也蓋水性就下今南北之水以天津爲尾閘地最窪下雖數千百年中或陵谷變遷而其高卑大勢南北定位有必不可易者卽以禹貢之文考之可以斷矣禹貢曰至於大伾北過泲水至於大陸又北播爲九河疏云大伾屬魏郡黎陽泲水在信都大陸澤名夫黎陽今之濬縣信都今之深州大陸澤在今之東鹿界而河間在濬縣深州東鹿之北故曰又北也又九

南皮縣志

卷一

輿地志上 山川

十二

河旣道疏云平原以北平原今德州境言德州以上也漢書溝洫志許商云九河之名有徒駭胡蘇鬲津在成平東光鬲津中此三地今皆屬河間杜氏通典云鉤盤在景馬頰覆舖在趙郡景卽景州趙郡今涿易南古所謂燕南趙北也輿地記云簡河在臨津金史地理志云南皮縣有潔河太史河傳志所載九河故道之在河間境也又豈不彰明備著乎則天津爲同爲逆河入海之道無疑矣河自周定王時已南徙九河故跡亦湮廢後人不能深究地勢多穿鑿傳會其指在濟南者旣失之過南其指在永平者又失之過北而鄭康成據緯書謂齊桓公填塞八河以拓疆界其說益滋僞謬耳凡人讀書能正據經文考以古今形勢則諸家之說自有折衷夫

河間古郡稱名已久其所以謂之河間者以其在九河之間也顧名思義又可知矣

畿輔通志云舉九河悉聚於一邑彈丸之地視禹之播九河如引渠灌田者然此誤不辨自解蓋後人鑿以導水而附以九河舊名耳

清一統志曰九河故道斷在今滄景以南山東武德以北但湮塞已久不當按名以索

合以上三說觀之則九河故道之不盡在南皮明甚而南皮境內九河故道雖溝瀆尚有跡可尋而是非真偽實已難辨不宜穿鑿傳會而為之說也今仍照舊志載入者亦為考古之資耳

永濟河湮今

南皮縣志

卷一

輿地志上 山川 十四

舊志在半壁店北

毛河湮今

舊志在東南即覆舖

按畿輔通志毛河即屯氏河在滄州西南五十七里方輿紀要南皮

古毛河自臨津逕縣入清池唐書地理志毛河故瀆在南皮縣南

東北流入滄州界方輿紀要開元十三年自臨清縣開毛河入清

池唐書地理志則舊志所謂即覆舖者誤矣

迎河舊志未載今補

畿輔通志在南皮縣城北即衛河之支渠今堙清河又東北逕南皮故城西王莽名縣曰迎河亭舊有迎河瀆自縣境東流入清池縣界合於浮水水經注南皮北有迎河分漳河入浮

水輿地志

隄堰附

衛河隄

舊志縣北衛河岸有大隄自南亘北五十里高丈餘東接滄州境西接南皮境齊家堰在縣西北二十里即衛河東岸河流至此湍悍迅急明萬歷十一年修築齊家堰隄自東光之北下口至馮家口共計一千七百餘丈萬歷四十一年雨水泛漲隄勢單薄知縣徐殷督工修築亦自北下口至馮家口視舊隄加厚可憑永久清乾隆三年總河劉於義題準淺夫改爲河兵設主簿把總等職管領分佈沿河之天津靜海青縣滄州交河東光吳橋景州故城清河南皮共十一州縣防

南皮縣志

卷一

輿地志上 山川

十五

汎南河每名歲給銀十四兩四錢器具銀八錢河兵例堆土牛北河無之經天津道張坦熊額令十一州縣共堆土牛以防水泛又設河兵堡房一百四十餘間令河兵冬春之交各栽柳樹又將直隸河兵改爲戰一守九俾椿掃手得食戰糧自民國以來河兵裁築土牛事歸沿河各村擔任十九年下屆行政會議議定以沿河五里爲沿河村莊之案二十年春經本縣第五六兩區區長巡官會同沿河各村會勘分擔工段照案列表如下

第六區沿河各村北自好漢坎起南至堡子止分擔歲修土牛河工

小白陽橋五百七十八弓

大馬莊五百七十八弓

蕭家樓五百七十八弓	邱家莊五百七十八弓
三十五里堡五百七十八弓	小張莊二百八十九弓
王辛莊五百七十八弓	柴家莊五百七十八弓
北口二百八十九弓	陳辛莊五百七十八弓
馮家口二百八十九弓	七間房五百七十八弓
洪辛莊五百七十八弓	大王莊五百七十八弓
小咎莊二百八十九弓	薛家窩二百八十九弓
西辛店二百八十九弓	崔家窪五百七十八弓
博古于二百八十九弓	早立王五百七十八弓
博古劉二百八十九弓	堡子二百八十九弓
李皇親五百七十八弓	

第五區沿河各村北自堡子起南至十二里口止分擔歲修

土牛河工

小滿莊三百三十弓	窩廠六百六十弓
小楊莊三百三十弓	窩廠辛莊三百三十弓
後滿莊六百六十弓	張三家六百六十弓
前滿莊六百六十弓	姚家庵六百六十弓
戴莊三百三十弓	姚辛莊三百三十弓
賈屯子六百六十弓	周莊六百六十弓
宋屯子六百六十弓	隄口王莊六百六十弓
齊家堰六百六十弓	潘莊三百三十弓
劉家灣三百三十弓	殷家園三百三十弓

泊頭鎮六百六十弓

蕭 圈三百三十弓

辛劉莊三百三十弓

七里口六百六十弓

段 莊六百六十弓

傅 莊三百三十弓

隄口張六百六十弓

十二里口六百六十弓

總 計五六兩區共計長二萬四千零三十弓

護城隄

南皮地勢南高北低由縣城西南畢家莊起至東北年澇窪止向有護城長埝一道約長七千八百餘丈以禦馬頰覆舖之水實為城鄉內外及西北一帶數百村莊居民田廬之保障清光緒十年知事王金銘以年久失修詳請撥款修補藉資保衛上由許家莊前西嶺子起下至九撥莊前東嶺官溝

南皮縣志

卷一

輿地志上 山川

十七

北止計長二千六百五十二丈五尺又宣惠河北岸隄身上由東光縣界本境劉和睦莊西起下至東光界林家坊子莊前缺口止計長一千五百餘丈亦同酌加補修縣政府立有

碑記

見金石

關隘

古者戰守必爭山河關隘後世鐵路亦與焉南皮爲運河所經過瀕河卽爲車站每有戰事輒受影響畿輔通志舊以沿河營汛及各鎮爲關隘近則營汛已廢各鎮僅作市場而鄉間以迭遭匪患羣起自衛諸村圍寨碁布星羅是可以觀世變矣

南皮關隘舊志未詳據畿輔通志稱馮家口在縣城北三十里運河之濱外委駐守泊鎮在運河東管河主簿駐此砥橋鎮在縣東南五十里又刁公樓鎮在縣東南七十里卽刁協故居董村鎮在縣東南又東南有潞灌鎮亦曰潞關鎮又馬明鎮在縣境又南皮縣有南皮馬明樂延臨津四鎮

宋元豐九
域志元廢

薛家窩在

縣西北運河旁把總駐守

南皮縣志

卷一

輿地志上 關隘

十八

清代馮家口汛仍舊薛家窩汛移駐堡子光緒末裁綠營均廢舊志載南皮有墩臺三在大廟姚巷陸家莊蓋爲前代烽火告警之遺廢棄日久蹟址無從考查

光緒元年總督李鴻章派委在馮家口南里許建營房一處爲淮軍樂字營駐紮至民國初年營房坍塌地基變賣

自宣統二年津浦路成連年戰事泊鎮馮家口兩站足資扼守民國初年滄境盜匪竄擾東二三區首被其害南四區亦被甯津盜匪之害甚鉅縣署委單青選爲催促築寨專員二三兩區村莊先後修築圍寨殆徧南區亦修築圍寨數十餘處星羅碁布互爲犄角費款雖多治安賴之近年北區各村亦匪患頻仍縣政府迭令修寨均未果行僅周辛莊年滂窪東邢莊三處有

圍寨後患正未堪設想也茲將各區圍寨列表於後

有寨村名	創修年月	創修人員	有寨村名	創修年月	創修人員
黑龍村	同治七年	劉煥成	唐孫家	同治七年 光緒二十六年 民國十二年	李萬春 劉殿邦 董福有 孫龍成 杜國選 杜玉梁
龐家建莊	光緒二十六年	龐保元 郭廷珍 韓思恭 崔長恩	崔裏高	民國十二年	高春元 高全甫
小楊家	民國十三年	劉炳岳 王玉環 耿書文	崔達子	民國十三年	郭殿田 崔玉田
門家堂	民國十三年	門立玉 王有峯	蕭家橋	民國十四年	蕭清潭 張仁琦
王右全	民國十四年	王雲先 王漢三 王清海 王雲章	王公良	民國十五年	王季平 王蓋臣
大丈二橋	民國十五年	張煥裕	梁莊	民國十五年	張晉卿 張茂樑
徐家建莊	民國十五年	張照堂 徐虎堂 曹麟經	黑龍村	民國十五年	劉清澍 張沐澤 劉少齋 劉樹楷
曹王前 莊家劉 史珩莊	民國十五年	張遵義 李現元 曹殿瑞 呂宗文	東葛家	民國十五年	葛祖仁 姜壽權
劉福青	民國十五年	趙如璽 翟提元 張萬成 張化青	生劉家	民國十五年	劉景春 劉冊題
盧家莊子	民國十五年	侯仲均 李清泉 崔汝林 劉少甫	大薛家	民國十五年	薛清印 史玉山 張蓋臣 劉長齡

南皮縣志 卷一 輿地志上 關隘 十九

劉家宅	民國十五年	張保鄉 刁文仙 李連元 崔福源 馮福長	仇祥王	民國十五年	王清渠 王清俊 薛寶祥 王長才
仇祥崔	民國十五年	張清臣 崔金甲 崔新田 高長會	河灘店	民國十五年	單維和 張保山 張喜元 單玉符
許家桁	民國十五年	張榮庭 張玉庭 王榮庭	董村	民國十六年	張達權
大安家	民國十六年	張厚符 張家程	柴莊	民國十六年	楊玉臣
梁家場	民國十六年	李長和	王貢士	民國十六年	王文蘭 高書勛 王德忱 王德文
劉奇家	民國十六年	王翰章 張希超 張沐珩 王瑞符	泊家	民國十六年與 東光泊家合修	胡開太 張信臣
黑龍村	民國十六年	劉清浩	盧家堂	民國十七年	劉書普
西郭家	民國十七年	戴春篋 郭景元	穆莊	民國十八年	王玉堂
小崔村	民國十八年	崔行雲	單莊	民國十九年	

以上係第二區

鳳翔家	同治七年		唐家務	同治七年	張永基 張允安 張叔啟 商純
楊甫寨	光緒十二年	李才三 殷德山	沙泊張	光緒二十年	張清泰 張寅春 張寅春

南皮縣志

卷一

輿地志上

關隘

潞灌	光緒二十六年	潘性田	艾莊	光緒二十六年	傅紹武 傅榜魁
朱莊	光緒二十六年	朱恩樓	曲家馬村	民國十四年	王鍾芳 劉桂林
後田寨	民國十二年	張寶林 張清翰	王國真	民國十四年	王勝文 劉清溪
官張家	民國十四年	張玉成	刁公樓	民國十四年	張金山 許榮堂
夜珠高	民國十四年	李榮塘 李同春	郭立山	民國十四年	王景山 張宗江
佛王家	民國十四年	謝長雲	王少全	民國十四年	王秉鈺 王清元
潞灌張	民國十四年	許丹桂 薛相卿	前印子頭	民國十四年	王長枝 王清棠
仁和里	民國十四年	曾寶策	劉碩榮	民國十五年	張沐堂 張遵廉
馬村	民國十五年	張連元 劉桐蔭	興龍淀	民國十五年	李樹森 李樹馨
旁堤劉家	民國十五年	劉殿升 劉振田	龍門寺	民國十五年	陳書城 崔寶燾
大商家	民國十五年	侯長清 劉中和	龍堂	民國十五年	齊瑞五 陳書元
陳百萬	民國十五年	董寶銓 王青山			齊問楮 劉華甫
大莊子	民國十五年	李書森 王觀成	謝家樓	民國十五年	葉澄清 崔玉虎
王少全	民國十五年	孫益三 孫省三	焦山寺	民國十五年	崔清貴 崔清澤
郝家馬村	民國十五年	郝邦輔	前後康莊	民國十五年	吳連元 蔡德元
三教庵	民國十五年	田維增 田志三	陳莊	民國十五年	馬恆春 王樹林
侯新莊	民國十五年	張文榮 崔務生	大李家	民國十五年	崔長松
霍家寨	民國十五年	楊恩棟 霍汝正	前田寨	民國十七年	李景孟
石莊	民國十七年	李貞榮 王振槐			李殿安

以上係第三區

孫營盤	咸豐十一年	孫形光 孫英玉	張家大莊	民國十二年	張少炳 張照
鎮店孫	民國十四年	孫玉山 孫鳳立	張彥恆	民國十四年	張立垣 修光榮
于渤海	民國十四年	于金祥 于振奎	寧家村	民國十四年	王太榮 李信
王莊	民國十四年	柴芝榮	小郭家村	民國十五年	李芝蘭 郭玉亭

南皮縣志

卷一

輿地志上

關隘

大禡家口 民國十五年 禡維先

小禡家口 民國十五年 禡元安

李會試 民國十五年 李書奇

小單家 民國十五年 單萃占 單同占

白集 民國十五年 張慶和 高鳳岡 張有為 何英珂

姚家口 民國十五年 姚金江 張容申 高鳳洲 班德明

劉大甕 民國十五年 趙福祥 劉竣甲

張營盤 民國十五年 張殿選

李七家 民國十五年 張祥輝 張學思 張遵先

吳家集

砥橋鎮 民國十六年 張華堂 張玉彬 張炳熙 孫澤林

二馬陳 民國十六年 陳芳圃 陳芳城 陳鳳洲 陳永立 陳建聲

龍王李 民國十五年 李向德 邢大鏞 侯有甲

王柳林 民國十五年 王瑞蘭 王吉祥 王立考

李營盤 民國十五年 張明德 李德和

小胡莊 民國十五年 張開元 張貴森 張慶成 張金貴

杏桁 民國十五年 張雲耕 張春堯 張晴湖

趙柳林 民國十五年 趙中林 趙虎臣 趙杰魁

侯夢吉 民國十五年 梁長福 劉清元

大單家 民國十五年 單光城

劉輝家 民國十五年 劉日坊 劉書林 劉恩元

沙楊貴 楊相臣 楊守臣 楊慶元 楊金翰

嶮廠鄭 民國十六年 鄭升庭 劉德浚

馮莊 民國十六年 馮殿瑩 馮保烜

鐘照寺 民國十六年 劉嘉山 劉樹杓

宮柳林 民國十六年 宮保森 宮壽愷

徐家集 民國十六年 徐杏林 徐保順 徐玉恆 徐玉泉

後鄭家 民國十六年 杜世恩 杜有禎 鄭殿卿

龍王徐 民國十六年 徐清順 徐憲亭

大白莊 民國十六年 馮芝重 馮開元 馮文臬 馮青山

劉連家 民國十七年 王杞森

以上係第四區

周辛莊 民國十九年 周召棠

年潞窪 民國十五年 王全忠 王寶懷 王蔭清 王寶元 劉慕鏗

東邢莊 民國十五年 邢清來 邢書林 崔鳳舞

桃菓園 侯和符

以上係第六區

城池

南皮故城在今南皮城東北十里許秦置縣後漢暨晉魏皆為

渤海郡治北朝東魏時移郡治於東光始移縣城於今治清一統志

闕駟曰章武有北皮亭故此曰南皮晉魏皆為縣城土築高二

丈一尺闊二丈週八百九丈二尺五寸為門四東曰觀海南曰

北曰各有樓四隅各有角臺東西面有腰臺四各有樓池深一

丈闊二丈各門皆跨以橋肇建年明嘉靖二十五年知縣李筵

重修萬歷二十五年以備倭議磚其城知縣李正華以財力不

足未果時上臺檄修計用磚四百九十五萬餘箇石灰三十一萬餘斤約費銀八千四百餘兩夫照丁地僉派似非

四五年可完者遂止之萬歷四十二年知縣徐殷繕築城垣二千三百丈

磚甃東門建東南城樓二座府志探河崇禎九年知縣簡仁瑞

南皮縣志卷一 輿地志上 城池 二十二

增建甕城門易堦口各臺以磚舊志

清乾隆九年知縣侯珏因城垣歲久失修值八年旱災發帑賑

濟以興工貸賑之議詳準重修自九年九月至十年六月告竣

城高一丈八尺底闊二丈三尺頂闊一丈三尺週八百六十一

丈六尺四隅各有臺東而腰臺八為四門各跨以樓池深一丈

闊二丈有碑記在西門外路南文詳金石

同治九年知縣吳繩曾偕邑紳張悅等重修城身高三丈一尺

基寬二丈三尺頂寬一丈三尺城根入土二尺并勘定自城根

起至濠外岸地面止計地七丈作為濠界有碑記在西門外路南文詳金石

按同治年修城用賑銀六千四百兩並全邑紳民捐款由同

治壬申四月至癸酉五月底中間冬令停工三月凡歷九閱

月二十餘日工竣另由邑人捐錢二千緡發商生息作為歲修之用現歸縣城東街張珠樹堂經理尙歲時補修

署廨

縣署在城內西街北正堂三間東西有耳房前為戒石坊為儀門堂左為鑾駕庫右為贊政廳東西對列為六曹廊外為大門內東為土地祠前為寅賓館西為獄外東為譙樓正堂後為二堂左為庫樓右為書房北為知縣住宅西南為典史宅明永樂元年知縣高崑建宣德二年知縣張麟修之府志作永樂二十二年恐誤萬歷二十四年知縣李正華增修崇禎四年知縣藍再茂復修清

光緒十三年知縣傅培基重修科房內宅舊志

光緒十七年知縣馮慶鏞重修大門儀門大堂有碑記詳金石

光緒三十一年知縣章師程在儀門內建公生明木坊

民國三年知事陳賡虞將二堂改為辦公室大堂內煖閣廢就

南皮縣志 卷一 輿地志上 署廨 二十四

大堂東西改為民庭刑庭

民國十四年知事孫慶曾以舊無看守所臨時羈押人犯均在班房內遂就縣署大門內迤西創建看守所南房三間北房五間

行署察院舊在南街東明嘉靖時改建於城東北隅重門大堂

川堂寢室書吏廚竈等房俱備 府館舊太僕行署在城隍廟

西 申明亭在縣門左 旌善亭在縣門右 屬署陰陽學在

縣門前東 醫學在縣門前西惠民藥局在內 僧會司在興

化寺內舊志以上均廢

南皮汎署在縣獄西今廢地基空間

薛家窩汎馮家口汎各把總向均駐汎地無署舊志

學署舊制前廟後學

孔廟即孔廟

明景泰二年知縣牛增改學於廟東

明倫堂五間民國八年勸學所長孫朝弼募資重修東西列居

仁由義二齋堂東爲敬一亭

圯今

前爲儀門

圯今

大門三間堂後爲

教諭宅

舊載共房十四間

二堂三間東爲訓導宅

舊載共房十二間

大門二間

光緒間訓導楚材捐廉重修其宅今訓導前宅改爲建設局後

宅及教諭宅改爲教育局明倫堂改爲鄉村師範教室又學署

內舊有射圃在孔廟西今廢

典史署在縣署前今改爲公安局

主簿署在泊頭鎮河東今廢